



浙江圖書館



浙江圖書館

海昌外志
六

浙江圖書館

915.1241

4025



浙江圖書館



浙江圖書館



浙江圖書館

海昌外志

人物志

地以人重得其人僻壤亦鄒魯也吾寧山水率露幸潮
 汐日滿漭而上風氣不散自江左來白駒之節光動雲
 蘿迨於唐宋才賢踔厲黼黻皇猷南渡時神理歆盡而
 生氣不衰

皇朝張天綱以羅之俊民應運而興經濟文行卓乎可
 紀豐玉荒穀各有攸當即彼方技列女玄釋之流要有
 獨至毋或遺之矣作人物志



棗林談遷孺木



儒林

梁

戚衮字公文祖顯齊給事中父霸梁臨賀王府中兵叅
軍衮少聰慧游學都下受三禮于國子監助教劉文
紹一二年中大義略備年十九梁武帝策問秀茂以
周禮記義登高第除揚州祭酒從事令就國子博
士宋懷芳質儀禮懷芳此人自魏攜儀禮記疏秘
惜不傳及將亡謂家人曰我死後戚生若赴便以儀
禮記本付之若其不來即隨屍而賓為儒者推如
此尋簡太學博士簡文帝在東宮召衮講論

常宴集

玄儒之士先命道學互相質難次令中庶子徐摛馳
騁大義問以劇談摛詞辨縱橫難以荅抗諸儒懾氣
獨袞與摛生復精采自若領荅如流簡文深加歎賞
尋除員外散騎侍郎又遷員外散騎常侍出為江州
刺史仍隨沈泰鎮南豫州泰之奔齊也逼袞俱行自
鄴下遁還又隨程文季北伐呂梁軍敗袞沒于周久
之得歸仍兼國子助教除中衛如興王府叅軍大建
十三年卒年六十三袞于梁代撰三禮儀記值亂亡
失

顧越字允南

陳書作
思南

所居薪坡黃岡世有鄉校由是顧

氏多儒學焉祖道望齊散騎侍郎父仲成梁護軍司
馬豫章王府諮議叅軍家傳儒業並專門教授越少
孤以勤苦自立聰慧有口辨厲精舉業不舍晝夜弱
冠游學都下通儒碩學必造門質疑討論不倦至於
微言玄旨九章七曜音律圖緯咸盡其精微時太子
詹軍事周捨以儒學見重名知人一見越便相歎異
命與兄子弘正弘直游聲譽日重會稽賀文發學兼
經史與越名相埒都下謂之發越初為梁南平王偉
右常侍與文發俱入府並見禮重尋轉行叅軍

誥聽勇將軍陳慶之送魏北海王顥還北魏慶之

請越叅其軍事慶之所向克捷直至洛陽顯遂驕縱
又上下離越料其必敗引疾歸裁至彭城慶之見推
歎時稱其見機及至除安西湘東王府叅軍及武帝
撰禮制旨新義選諸儒在所流通遣越還吳敷揚講
說越徧該經深明毛詩傍通異義特喜老莊尤長論
難兼工綴文閑尺牘長七尺三寸美須眉武帝嘗于
重慶雲殿自講老子僕射徐勉舉越論議越抗首而
講音響若鐘容止可觀帝深贊美之擢為中軍宣城
王記室叅軍領五軍博士仍令侍宣城王講大同八
年傳安西武陵王府內中錄事叅軍尋遷府諮議及

侯景之亂越與同志沈文阿逃難東歸賦黨教授以
爵位誓不受命承聖二年授詔宣惠晉安王府諮議
叅軍領國子博士越贈世路未平無心仕進因歸鄉
栖隱于虎丘山與吳興沈炯同郡張種會稽孔奐等
每為文會紹泰元年復徵

天嘉中詔侍東

宮讀除東中郎鄱陽王府諮議叅軍甚見優禮尋領
羽林監遷給事中黃門侍郎國子博士侍讀如故朝
廷草創疑義多所取決咸見施

皇太

子嘗虛懷禮接越以宮僚未盡時彥且太子仁弱宣
帝有奪宗之兆內懷憤激乃上書言其故帝深感之

訟
應作頌

而不能革及廢帝即位拜散騎常侍兼中書舍人黃
門侍郎如故領天保博士掌儀禮猶為帝朝夕講授
甚見尊寵時宣帝輔政華皎舉兵不從越因請假東
還或譖之宣帝言越將煽動藩鎮遂免官大建元年
卒于家年七十所著喪服毛詩老子孝經論語疏四
十餘卷詩訟碑志牋表凡二百餘篇

唐

褚無量字弘度刻意墳典家臨平湖側有龍出人皆立
觀無量尚幼讀書不若聞明經登第除國子博士兼
司業修文館學士中宗南郊詔定儀典時祝欽明議

皇后亞獻無量曰郊祝國之大事其折衷莫如周禮
周禮冬至祭天圓丘不以地配惟以始祖為主不以
妣配故后無預祭之文惟漢有天地合祭皇后叅享
事末代黷神事不經不可為法

佐

欽明無量議格玄宗為太子釋奠國學令講經建端
樹義博敏而辨進銀青光祿大夫及即位遷右散騎
常侍兼國子祭酒封舒國公與左

日入內侍讀每至閣門親迎送之待以師傳之禮
特為無量造腰輿在內殿令內侍舁之五年正月將
幸東都太廟壞姚崇謂太廟屋材皆符堅時物不足

異無量奏隋文帝富有天下遷都之日豈取符氏舊
材立太廟乎此特諛臣之言耳願陛下克謹天戒納
忠諫遠諂諛不聽又言陛下所至名山大川古帝王
賢臣在祀典者並詔致祭願到東都收序唐初建令
功臣世絕者雖在支庶咸得承襲帝是之詔無量祠
堯平陽內府舊書自高宗時藏宮中甲乙散倒無量
繕錄補第以廣秘集詔於東都乾元殿東廂部彙整
比無量為之使又詔秘書省司經局昭文崇文二館
更相檢讐采天下遺書以益闕文不數年四庫潔治
帝詔群臣觀書賜帛有差已從書麗正殿復詔無量

纂修前功皇太子諸王未就學無量進孝經論語上
曰朕知之矣乃還 為太子諸王侍讀七年

太子齒胄于學詔無量

觀禮八年春

正月卒年七十五病困語麗正書未畢為恨帝痛悼
詔宰相曰無量朕師今其永逝宜用優典贈禮部尚

書謚曰文無量篤孝母

無量號詐曰山林不之忍犯

不復振觸無量為終身不御其肉

宋

張九成字子韶其先開封人徙居錢塘至于益官幼穎

甚八歲默誦六經父積書坐傍命客就試公答如響
且置卷歛衽曰精細本末無二致勿謂紙上語不三
多下學上達某敢以聖言為法諸老驚歎目為奇童
年十四鄉貢第一游京師從楊時學權貴托人致幣
曰肯從吾遊當薦之館閣九成歎曰王良尚羞與嬖
奚乘吾可為貴游客耶紹興二年上將策進士詔考
官直言者置高等九成對策略曰禍亂之作天所以
開聖人也今問巷之人皆有父兄妻子之樂而陛下
責為天子乃冬不得溫夏不得清昏無所定晨無所
省感時遇物悽惋于心可不思

陛下以剛大為心毋驚憂自阻

成帝曰士人初進須別其忠佞九成

九成以類試廷策俱第一特進一官喻

樗子才謂今歲進士張九成當第一凌景夏第二會

風折大槐樗作二簡遺之授鎮東軍簽院大書屋壁

曰此身苟一日之間百姓罹無涯之苦民冒齷禁提

搥刑張宗臣款逮捕數十人九成爭之宗臣曰此事

左相封來曰主上屢詔欽恤公不體聖意而觀望辜

相耶宗臣怒九成即投劾去登笈雲集九成遜辭不

獲乃言曰幼而學壯而行大學平天下之道自格物

入夫子不踰矩之道自志學入一心之所營即經綸
天下之業一身之所履即綏定國家之事耳目乃禮
樂之原夢寐乃居處之驗諸君亦深求而自得之以
無愧所學可矣出其門者多為聞人趙鼎薦于朝遂
以太常博士召既至改著作佐郎遷著作郎言我宗
家法曰仁而已仁之發見尤在于刑陛下以省刑為
急而理官不以恤刑為念欲詔理官活幾人者與減
摩勘從時弊樊光遠汪應辰連魁殿省帝問為門人
曰臣不敢以利祿之說誘門人惟知講明經術庶書
忠孝尋除浙東提刑力辭乃興祠以歸未幾召除宗

正少卿兼權刑部侍郎法寺以大辟成案上九成閱
始末得其情因請覆寔因果誣服者朝論歎以平反
九成曰職在詳刑可邀賞乎辭之尋兼侍講進讀春
秋因言曰食之變本于惡氣惡氣之萌本于惡念惡
念所觸則日月薄蝕五星失次災及五穀怪妖迭見
為兵為火札瘥並至願陛下正心術以格天帝聳然
曰當為卿戒之嘗有所奏帝曰朕只是誠曰陛下對
羣臣如此退處禁中時如何帝亦只是誠又問對宮
嬪時如何帝方經營答語曰此便是不誠帝嘗問易
牛微事孟子謂是心足以王何也曰陛下不須疑

則心與道二不忍一牛仁心著見此則王道之端推
此以往華夷蠻貊根荄鱗介皆在陛下仁政中豈非
王道乎又問顓俊尊上帝對曰陛下之心即上帝也
召徠賢俊格非心于未萌是乃所以尊之也金人議
和九成語趙鼎曰金宴厭兵而張虛聲以撼中國因
言十事彼誠能從我則與和使權在朝廷鼎既罷秦
檜誘之曰且成檜此事九成曰某胡為異議特不可
輕易以苟安耳檜曰立朝須優游委曲九成曰未有
枉己而能直人者帝問和議曰敵情多詐不可不察
因在經筵言西漢災異事檜甚惡之九成見上面奏

曰外議以臣為趙鼎之黨雖臣亦疑之上問其故曰
臣每造鼎見其議論無滯不覺坐久則人言臣為鼎
黨亡三怪也再章求去謫守邵州既至倉庫虛乏僚
屬請督酒租宿負苗絹未輸者九成曰縱未能惠民
其敢困民耶是歲租入更先它時中丞何鑄論其矯
偽欺倍傾附趙鼎落職丁父憂既免喪秦檜取旨上
曰自古朋黨畏人主知之此人獨無所畏可與宮觀
先是徑山僧宗杲善談禪理從游者眾九成時往來
其間檜恐其議已會司諫詹大方言頃者鼓唱浮言
九成寔為之首徑山僧宗杲知之乞投遠方以為傾

運軍之誤

邪之戒編置南安軍在南安十四年每執書就明倚
立庭磚歲久歲雙跌隱然廣帥致籛金九成曰吾敢
苟且取恚歸之自魏橫浦居士檜死以秘撰起知溫
州戶部遣吏督運糧民苦之九成移書痛陳其弊戶
部持之九成即丐祠歸數月紹興己卯卒上嗟悼復
數文閣侍制官其弟若子四人學者稱無垢先生所
著尚書大學中庸孝經論語孟子說無垢錄橫浦心
傳行于世自贊曰不務尋常怪異經術不師毛鄭孔
王文章不法韓柳班楊論詩不識江西句法作字不
襲二王叅禪則不記公案為政又不學龔黃謫在大

庾嶺下十有四年歸來惟白鬚滿面而意氣尚是飄揚咄其沒轉智底漢陰丈人而無用處底楚狂接輿也興理宗寶慶元年八月壬子詔張九成正色立朝有中興明道之功加贈太子太師崇國公諡文忠宋史稱九成研思經學多有訓詁然早有學佛者游故其議論多偏

朱文公雜學辨曰張公始學龜山之門而逃儒以歸于釋既自以為有得矣而其釋之師語之曰左右既得欄柄入手開導之際當改頭換面隨宜說法使殊塗同歸則住世出世間兩無遺憾矣然此語亦不可

使俗輩知將謂寔有恁麼事也見大慧禪師與張侍郎書今不見于語錄中蓋其徒諱之也用此之放凡張侍所論著皆陽儒而陰釋其離合出入之際務在愚一世之耳目而使之恬不覺悟以入手釋氏之門雖欲復出而不可得本末意旨畧如其所受于師者其二本殊歸蓋不特莊周出於子夏李斯原於荀卿而已也竊不自揆常欲為之論辨以曉當世之感而大本既殊無所不異因覽其中庸說姑掇其尤甚者十一二著于篇其他如論語孝經大學孟子之說不暇徧為之辨大抵及遽急迫其所以為說皆此書之

類也

國朝焦竑曰張子韶于性命極退徹其忠孝大節尤
蹕絕然其幼年是何等志操方處學舍衣食不備夜
讀書每至達旦富人或以物見惠力辭不受或不得
已而受之即以予同舍之貧者嘗曰士處貧困正是
用功時若不痛自節抑則貪戀必生廉恥盡喪功夫
安在子韶吾輩稱為宗匠然亦嘗如此厲志否
談遷曰無垢先生于學有深悟而晦翁立辨之謂其
禪也夫無垢之有大慧周濂溪獨不有壽涯乎經術
宦蹟生平止愧而因一二交契遽為訾議亦苛矣學

期有得雖禪何碍并叙其近禪者以俟博攷云子韶
未第時因客談揚文公呂微仲諸儒皆由禪學而至
心慕之聞寶印楚明禪師道傳大通居淨慈請問入
道之要楚明曰此心惟念、不舍久、純熟時節到
來自然証入復舉趙州柏樹之話令時、提撕久之
無省辭謂善權清禪師問此事人、有分个、員成
是否清曰、然曰為甚某無入處清于袖中出數珠
曰此是誰的公俯仰無對清復袖之曰是汝底則拈
取去才涉思維即不是汝底公悚然未幾留蘇氏館
一夕如廁以柏子話究之間蛙鳴釋然契入有偈曰

青天月夜一叢蛙撞破乾坤只一家正恁麼時誰會
得嶺頭脚痛有玄沙屈明謁法印一禪師機語頗契
適私忌就明靜庵供雲水主僧惟尚纔見乃展手公
便唱惟尚批公頰公趨前惟尚曰張學錄何得謗大
般若公曰某見處祇如此和尚又作麼生惟尚舉馬
祖升堂百丈卷席話話之
馬祖升堂眾才集百丈出卷席祖便下坐叙語
未終公推倒桌子惟尚大呼張學錄殺人公躍起問
旁僧曰汝又作麼生僧圓措公毆之顧惟尚曰祖彌
不了殃及兒孫惟尚大笑公獻偈曰席卷因緣也大
奇諸方聞舉畫措眉臺盤趯到人星散直漢從來不

兩眉下奪奪字

受欺從來高價不饒竒百戰場中奪兩眉角衝開君
會也叢林誰敢更相欺紹興癸丑魁多士復謂惟尚
于東庵惟尚曰浮山負鑑云饒備入得浮陽室始到
浮山門亦未見老僧在公作麼生公叱侍僧曰何不
祇對僧岡措公打僧一掌曰蝦蟆窟裡果勝蛟龍了
已秋大慧董徑山學者仰如星斗公閱其語要曰是
知宗門有人持以語惟尚恨未一見及為禮部侍郎
偶叅政劉公請大慧說法于天竺公三往不值暨大
慧報偈公見但寒暄而已大慧亦默識之尋奉祠還
里至徑山與馮給事諸公議格物大慧曰公祇知有

格物而不知有物格公茫然大慧大笑曰師能開喻
乎大慧曰不見小說載唐人有與安祿山謀叛者其
人先為閬守有畫像在焉明皇幸蜀見之怒令侍臣
以劍擊其像首時閬守君陝西首忽墮地公聞頓領
深旨題不動軒壁曰子韶格物妙喜物格款識一貫
兩個五百大慧始許可後守韶陽丁父艱遇徑山飯
僧秉鈞者詆大慧議及朝政遂竄大慧于衡陽會公
居家守服、除安置南安丙子春蒙恩北還道次新
塗而大慧適至與聯舟劇談宗要未嘗語往事蓋先
生之游禪門本末如此朱氏辨為雜學夫先生果雜

乎哉仲尼不以老聃累先生乃以大慧累也不得不
詳其說

施德操字彥執學有本末主孟子排釋氏曰絕人倫漫
等級棄禮樂仁義不用謂能躐造空無此其勝處概
之以道尚自倒易况又飾荒幻報應誑愚取資則尤
為世蠹因著論以曉末俗作孟子發題曰孟子有大
功四明浩然之氣道性善闢楊墨黜五霸而尊三王
皆前聖之所未言六經之所不載有功于名教終身
不娶學者稱為持正先生張九成曰吾友施彥執工
于詩一日見賦其柳有春風兩岸客來往紅日一川

驚去留不見柳而柳自在其中語亦工矣彥執讀杜
詩至風吹客衣日杲：樹攬離思花冥：而有得郎
曄曰考執與橫浦游從頗厚文章學問亦其輩流也
病瘵而沒識者悲之生平論纂甚富未暇哀錄
談遷曰持正先生學主孟氏而終身不娶孟氏不曰
無後為大耶先生要具獨見非敢輕議郎晦之謂論
纂甚富今隻字不傳悲夫

楊璿字子平安貧樂道不安取與尤慎獨居暗室猶在
康衢學者稱謹獨先生淳熙四年令魏伯恂祠張子
韶施彥執楊子平三先生尚書程大昌有記

明

董雲子濤從居澉浦少慷慨慕義嘗割私產讓兄還友人所質田且經紀其喪好吟詠至忘寢食家徒壁立不問晚從王陽明先生講學盡棄其舊習人或非之雲笑曰吾自從吾所好因覩從吾道人沙門法聚亦游陽明門雲與結社海門寺叅証內典許相卿曰始予見從吾子專于佛嗒然自遺也愈益怪之莫能窺已蓋從吾子學三變卒歸于空將所吾者旦見為妄云法臨沒時偈曰我非汙世中者儔偶來七十七春秋自知此去無些染一道天泉月自流法詩集傳

從吾道人記

王守仁

海寧董蘿石者年六十有八矣以能詩聞江湖間與
其鄉之業詩者十數輩為詩社旦夕操紙吟鳴相與
求句字之工至廢寢食遺生業時俗共非笑之不顧
以為是天下之至樂矣嘉靖甲申春蘿石來游會稽
聞陽明子方與其徒講學山中以杖肩其瓢笠詩卷
來訪入門長揖上坐陽明子異其氣貌且年老矣禮
敬之又詢知其為董蘿石也與之語連日夜蘿石辭
弥謙禮弥下不覺其席之彌側也曰吾見其世之儒
者支離瑣屑修飾邊幅為偶人之狀嘗不屑其所為

以為世豈有所謂聖賢之學直假道于是以求濟其私耳故遂篤志于詩而放浪于山水今吾聞夫子忽若大寐之得醒吾非至于夫子之門則虛此生矣吾將北面而終身夫子焉陽明子曰有是哉吾未或見此翁也今之後生晚進苟知執筆為文辭稍記習誦詰則已侈然自大不復知有從師學問之事見有或從師學問者則闕然共非笑指斥若怪物翁以能詩誦後進從之游者徧于江湖蓋居然先輩矣一旦聞予言而棄去其數十年之成業如敝屣求北面而屈禮焉豈獨今之時未見若人將古之紀載所傳亦未

多數也。夫君子之學，求以變其氣質。氣質之難變者，以客氣為患，不能屈下於人，遂至自是，自非，飾非，長傲，卒歸于兇頑鄙俗。故凡世之為子而不能孝，為弟而不能敬，為臣而不能忠者，其始皆起于不能屈下。而客氣之為患耳。苟惟理是從，而不難于屈下，則客氣清而天理行，非天下之大勇，不足與于此。則如蘿石固吾之師也。而吾豈足以師蘿石乎？與之探禹穴，登廬峰，陟秦望，尋蘭亭之遺跡，徜徉于雲門，若耶，鑑湖，剡曲，蘿石日有所聞，益充然有得，欣然樂而歸也。其鄉黨之子弟親友，與其平日之為社者，或笑而非。

之或為詩而招之返且曰翁老矣何乃自苦若是耶
蘿石笑曰吾方幸逃于苦海揚鬢振羽雲霄之上安
能復投網罟而入樊籠乎去矣吾將從吾之所好遂
自號曰從吾道人陽明子聞之歎曰卓哉蘿石血氣
既衰孰能挺持奮發若少年英銳者之為乎斯可謂
之能從吾所好矣世之人從其名之好也而競以相
高從其利之好也而貪以相取從其心意耳目之好
也而詐以相欺亦皆自以為從吾所好矣豈知吾之
所謂真吾者乎夫父慈子孝忠信篤敬真吾之好也
天下之所同好也將富貴貧賤患難夷狄無入而不

自得斯之謂能從吾之所好也已夫子嘗曰吾十有五而志于學是從吾之始也七十而從心所欲不踰矩則從吾而化矣蘿石踰耳順而始知從吾之學毋自以為既晚也充蘿石之勇其進于化也何有

夜宿家弟栖碧堂

董雲

仙人袖出白芙蓉笑倚青霞情我書風露一天衾枕
淨蘋江六月草堂虛

嘉靖丙戌之除從吾道人自海寧渡江來訪因共
守歲是夜風雪道人有作予因次韻為謝

王守仁

多情風雪勵三餘滿目湖山是舊廬况有故人千里
至不知今夜一年除天心終古原無改歲事明朝又
一初白首如君真洒脫恥隨兒女戀分裾

書扇

君家只在海西隈日暮寒潮去復迴莫遣扁舟成大
別爐峰明月望君來

董穀碩甫澧之子正德丙子舉于鄉五試南宮不第嘉
靖辛丑令安義調漢陽廉靜不苛坐他忤歸好學工
詩文安貧自怡從游陽明先生門悟儒釋合一之旨
著豸龍子四存碧里前集後集澍水志

金陵焦、太史竑曰國朝以道術著者不少至能世其學者心齋之子東涯蘿石之子兩湖二家而已

性論略

六合之內有萬不齊其前無始也其後無終也不得已求其情狀惟一虛而已萬象冲塞于天地之間即是太虛舍萬象則無太虛究其一性而已是性也至虛至靈即體即用生天生地為人為物無終無始歷萬古不滅非不滅也子產所謂用物宏而取精多則粘新帶舊情親境熟不能滅也人為物中之靈然亦非有一定之靈或自靈而蠢或自蠢而靈、謂之善

萬有下奪皆字

蠢謂之惡者以漸而蠢至于夷狄禽獸自夷狄禽獸
漸靈而為人者亦有之善者以漸而靈至于大賢君
子自大賢君子漸蠢而為物者亦有之萬種不齊無
非此心之所成立自非同天之聖脫盡習氣亡有能
免焉者今人之所以不信者不悟死生之變與晝夜
無異雖有久近即是一道理乃為目前景物所亂遂生
虛實有無之疑殊不知虛者固虛而寔者亦非寔也
無者固無而有者亦非有也萬有虛無虛無生萬有
惟心所運杳無端倪蓋不獨所性為然而貌之吉凶
身之窮達命之延促亦皆此心之胚胎先儒不悟乃

歸咎于氣質不知氣質之不美心實為之無心則無
氣質氣質亦是心之別名變化氣質者變化其心耳
豈氣質自能變化哉聖人言性相近習相遠相近者
不同也相遠者亦不同也相遠之不同既由于將來
之習則相近之不同安知不由于既往之習乎世有
先後而功夫則一今世之功夫亦為來世之根柢故
習于善則善而來世之進于善也益易習于惡則惡
而來世之向善也愈難以是存心蓋不惟可以明性
將見志益堅而修益力未見詭于聖矣曰是則然矣
極本窮源畢竟何以有善惡之異曰是亦可知也愚

于釋典見其有顯識之論後讀文中子亦曰氣為上
形為下識多其中于是信儒識無二道也夫識也者
神識也即心性之別名也自其本體而言謂之氣自
其成質而言謂之形自其虛靈不昧根柢品彙而言
謂之性只一物也隨在而異稱蓋無殼無臭之體不
能不聚而成形舍形亦無有所謂體矣形之所在知
覺生焉故謂之曰心之體段知而無知無知而知
鑑空衡平原是無殼無臭則固無碍于性也惟其閱
世既久應酬既熟則又轉而成識遂有無形之形于
方寸間能分別爾我記憶往事乃至夢中追思尋繹

然下奪則字

飛揚變化曾無寧息人但知日用應酬計較利害博
聞強記千貌萬態曰此即心豈知非本然之體矣或
越凡入聖或認賊為子皆此識為之識出于性而性
不能命識由其自昧本體各成一家耳然相近之性
其即有覺之心而漸離之識也與加之習寧不相遠
然則治識之道若何曰性體本虛以虛治之而已識
出于無情則為善而上達識生于私意則為惡而下
流大學誠意貴于無欺正心戒于有所有欺有所識
斯為性病矣愈久愈病則去人愈遠善惡之分如是
而已或靈或蠢無非心所自為而氣質多罪焉性累

氣質非氣質累性也曰然則人物之生于天地間只
有此數往來而不絕乎孰主張是不亦太勞攘
乎曰無數也人物道塞彌滿于天地間雖有往來即
是天地之化育天地之力亦不能外此而別有所生
畢竟雖天地亦是此虛靈建立而無寔體舍物則亦
無天地矣天地亦一物也要皆虛靈自生非真有一
定之天地以生之然亦無典守之者佛氏所云剗燒
磨亦起于人心妄念妄成而非寔有妄念膠固自
生鬼見即成寔境而寔受之蓋各生于心則各求其
類恩怨勝負與平日無異皆由哀之發見豈有他哉

難字衍

衰下極字應作寔

蓋不惟幽冥為然。今人生于世，自縲綫圖，圖難鞭笞，殺傷以至安富尊榮，飲食宴樂，亦皆妄心所作。妄心自受而妄形無與也。不然，今已死之人，其形尚在，加之刺割，不復痛楚，則生而知疼者，誰與？蓋陰陽晝夜，幽明死生，原無二理。此心之外，孰為真寔者？耶推而至于前代，餘亂離之際，禾黍故宮，蕭條千里，卷燕巢于林木，此不但感極而衰，極由惡極而變，亦是人心所致。故幽明感應之道，無有不本于心者。易曰：精氣為物，游魂為變。記曰：骨肉斃于下，陰為野；上其氣發揚于上，為昭明。若蒿悽愴，此百物之精也；神之著也。則

反故下奪死字

其不散可見矣季札吳之賢公子葬于贏博而曰骨
肉後歸于土命也魂氣則無不之也莊子林類曰死
之于生一往一反故于是者安知不生于彼賈誼能
知鬼神之本者其鵬賦亦曰化為異類兮夫又何患
此皆葱嶺未通時中國之說已然矣又何疑哉

忠直

唐

顏真卿字清臣先瑯琊臨沂人五世祖之推北齊黃門
侍郎始為京兆長安人祖昭甫華州刺史父惟貞薛

王友

兩浙名賢錄顏真卿傳祖昌仕蓋官州判未及
一年卒遺子必寧幼孤遂家焉致政州在元之

字一
清儀閣本

元貞初隋唐間未嘗為州也昌何因為之判豈
武德中蓋官屬東武州誤東武州為蓋官州耶 真卿

博學事親孝開元二十二年進士授監察御史使河
隴決五原冤獄天久旱而雨都人呼為御史雨遷殿
中侍御史以楊國忠忌出為平原太守度安祿山必
反因霖雨增陴濬隍科丁壯儲倉廩日興賓佐泛舟
飲酒以紓其疑及河朔盡陷真卿以平原博平兵七
千人防河津使叅軍李平馳奏玄宗大喜曰河北二
十四郡俱陷吾不識顏真卿作何狀乃能如是耶時
平原有靜塞兵三千益募得萬人李擇交統之誓師
泣下眾益感厲饒陽濟南清河鄆郡景城長吏各來

千程在作千呈

附會都臨賊黨段子光傳李愷盧奕蔣清首徇河北
真卿恐眾懼詔曰吾素識愷等其首皆非是乃斬子
光藏三首他日結翦續體為位哭之從兄常山太守
杲卿斬賊將李欽湊等土門十七郡同日自歸推真
卿為盟主兵二十萬絕燕趙詔拜戶部侍郎尋加河
北招討採訪使用清河李萼計興兵六千出程千程
之師遂提棠邑及賀蘭進明戰敗會平盧將奕使武
涉劉客奴以漁陽歸真卿款堅其意遣判官賈載越
海遺軍資十餘萬真卿時一子纔十歲使詣客奴為
質軍固請留之不從肅宗即位拜工部尚書賊益發

兵乘虛急攻河北復陷真卿單身詣行在除刑部尚
書兼御史大夫時持正議改馮翊太守轉浙西節度
使召為刑部侍郎李輔國遷皇上西內真卿首率百
僚上表問起居輔國奏貶蓬州長史代宗立累遷尚
書右丞俄以檢校刑部尚書為朔方行營宣慰使說
諭僕固懷恩真卿言以郭子儀代懷恩可不戰而服
也未行留知省事封魯郡公元載議羣臣白事宜先
白長官長官白宰相詳可否以聞真卿力詆其壅蔽
永泰二年貶峽州員外郎旬餘改吉州司馬遷撫州
湘州刺史載誅揚綰常袞薦之即日遷刑部尚書再

遷吏部楊炎當國以抗直改太子少師猶領使進太
子太師并使罷之時李希烈陷汝州遣別將取尉氏
圍鄭州東都震駭初盧杞不悅真卿欲出之真卿曰
先中丞傳首至平原真卿以舌舐面血相公忍不相
容乎杞矍然起拜而恨之益深因上問淮西事曰誠
得儒雅重臣為陳禍福可不勞軍旅而復顏真卿三
朝舊臣忠直剛決名重海內可遣也詔下宣慰希烈
舉朝失色真卿之東都鄭叔則曰往必不免且少需
須後命真卿曰事不避難臣之職也君命其可違乎
至許歆宣詔希烈使卒千人繞罵露及脅之真卿正

色抗詞賊黨奪氣乃幽之掘方丈坎于前示將死之
真卿曰死耳何必多端亟以一劍相與豈不快公心
事耶拘送真卿于蔡州龍興寺真卿遂作遺表墓志
祭文指寢堂西壁下曰此殯所也希烈僭號遣問儀
式曰老夫耄矣曾掌邦禮所覩諸侯朝覲儀耳興元
後王師復振賊將辛景臻積薪室前曰不能屈節節
當焚死真卿起赴火賊止之會希烈弟希倩坐朱泚
誅希烈怒曰使閹奴害之稱詔賜卿死真卿再拜曰
老臣無狀當死然使者何日長安來奴曰自大梁來
真卿大罵曰然則賊耳何詔為時五年八月壬寅縊

死寺中曹王臯聞之泣下三軍皆慟帝廢朝五日贈
司徒謚文忠真卿正色立朝剛而有禮天下不以名
氏稱獨曰魯公善法書草隸絕世著述多不傳有集
十五卷行世

許遠字令威舉進士辟署劍南府中丞貶高要尉遇赦
以監察御史將兵守土蕃安戎城安祿山反薦為睢
陽太守至德二載張巡舉兵至睢陽巡兵三千人與
遠合兵六千八百人自以才不及巡請稟軍事一切
推決而專供兵糧戰具遠初積餉六萬石虢王巨以
其半給濮陽濟陰遠固爭之不能得被圍數月食盡

士多飢死存者皆夷傷氣之遠殺僮僕饗士至羅在
掘鼠煮鎧弩以食眾議東奔廵計曰睢陽江淮保障
也若棄之賊乘勝鼓而南江淮必亡且卒飢眾行不
遠未幾城陷與廵俱被執時安慶緒在洛陽尹子奇
械送至偃師不屈死詔贈荊州大都督子攻婺州司
馬遠與廵同年生而長廵呼為兄德宗品至德以來
將相著者廵遠為上貞元中

論

韓愈

李翰所為張廵傳頗詳密然恨尚有缺者不為許遠
立傳遠雖才若不及廵者開門延廵位本廵上授之

不畏下奪死字

柄而處其下無所疑忘竟與死俱守死成功名城臨
而虜與死先後異耳兩家子弟才智下不能通知
二賢志以為死而遠就虜疑畏而辭服于賊遠誠
畏死何苦守尺寸之地食其所愛之肉以與賊抗而
不降乎當其圍守時外無蚍蜉蟻子之援所歆忠者
國與主耳而賊語以國亡主滅懼之遠見救援不至
而賊來益眾必以其言為信外無待而猶守死人相
食且盡雖愚人亦能數日而知死處矣遠之不畏明
矣焉有城壞而其位俱死獨蒙愧恥求活雖至愚者
不忍為嗚呼而謂遠之賢而為之乎說者又謂遠與

此分城而守而城之隘自遠所分始以此語遠此又
與兒童之見無異人之將死其臟腑必有先受其病
者引繩而絕之其絕必有處觀者見其然從而尤之
其亦不達于理矣小人之好議論不樂成人之美如
此哉如此遠之所成就如此卓、猶不得免其他則
又何說當二公之初守也寧能知人之卒不揀棄城
而逆適苟此不能守雖避之他處何益及其無救而
且窮也將其創殘飢羸之餘雖欲去必不遠二公之
賢其講之精矣守一城捍天下以千百就盡之卒戰
百萬日滋之師蔽遮江淮阻遏其勢天下之不亡其

誰之功也當是時棄城而圖存者不可一二數擅強
兵坐而觀者相環也不追議此而責二公以死守亦
見其自比于逆亂設淫詞而助之攻也

宋

書

史徽字洵美勤苦力學崇寧五年登第歷戶部郎中出
為京西、運判徽宗下罪己詔罷京西逋賦徽悉焚
其租籍進右司郎中疾免高宗初起司農少卿建炎
三年扈駕京口同黃鰐遇害贈左大中大夫右文殿
修撰子龜年岑年均年其龜年岑年俱官員外郎

楊由義字直之開封將家子建炎初父奉直以裨將扈

駕臨安充安撫司官兀朮犯郡奉直捍敵經旬城破
由義侍毋謹令人避地監官金兵至謹令人携女沉
運河中由義被執時十七金人解衣之日侍兀朮
由義思圖之書數十紙某官楊奉直子藏之柱隙求
匕首不可得貸所喜小番次日至壁門則不容入後
自秀州遁復執累日而返漕薦不第吏部郎朱松延
誨子熹奉直以修武郎致仕由義補承信郎詞翰典
嚴游從皆名勝後調臨安贍軍酒庫課羨轉修武郎
隆興初金求唐鄧海泗之地盧仲賢奉使辱命由義
請行以閤門祗候為金國通問所審議官至金營折

使拜元帥不屈曰本朝見宰相無拜禮此膝詎易屈
耶至械繫月餘及歸遷通直郎制曰黑肱之為子木
先冀獲成言之信鄭還不對單于拜蓋其自誓之堅
官至太府卿刑部侍郎卒里第朱熹嘗曰忠義大節
夷夏稱歎歎銘墓未果

楊九鼎字叙鎮由義之子因父任入官帥襄陽夔有
善政後易利漕帥天漢金剗大散關九鼎疾驅駐河
池縣復大散關又復阜郊殺金元師完顏阿璘金大
憤益發兵至會蜀帥招漬卒至鷄公嶺復叛遇害贈
朝散大夫

元

龔瑾性慷慨慕義任

知殉節葬安國寺後詩稿散

佚不傳其題蒼雪軒月浸蒼龍骨雲分翡翠釵九疑

愁正浙清夢到書齋

明

呂忠字誠正世守禦所副千戶正德八年桃源盜王浩

流劫浙東檄忠往入諱其母語妻鄭曰汝善事之吾

不暇內顧矣屯開化之華埠盜突至部卒以敵堅請

避之忠怒刀砍其背曰朝廷養兵百餘年遂負之哉

直前搏賊射殺數十人孤力遇害贈正千戶世襲

林文貴本黃岩騎兵事呂忠從征忠死戰眾奔潰文貴
疾殲呼曰毋負主將獨挺長矛刺賊被擒不屈怒罵
曰我國家命軍詎從賊遂縛樹上剄心腹死

董 雲

風酸日薄牙旗倒華埠溪腥流血曉林生被縛心如
鐵膝不可屈頭可截罵賊高殲箭滿身續得呆鄉千
古舌古來益官重豪傑睢陽之風猶慄烈主公呂侯
同死節一介草莽復誰說嗚呼拖全亦側微吳山香
火今猶熱

姜楫守禦所百戶嘉靖三十二年從官軍擊倭海鹽城

東死之事聞贈副千戶世襲

祝淵字開美崇禎癸酉貢士壬午寓長安聞左都御史
劉宗周下獄慷慨上疏乞宥不聽放歸尋被逮甲申
三月出獄而長安陷護太常少卿吳麟徵之喪以歸
明年江南不守時抱病急遷母葬閏六月五日扼吭
而絕、命詞曰中心安焉謂之仁事得其宜謂之義
淵家累葉洪武以來沐朝廷教養二百八十年成化
以來受朝廷榮寵一百七十年一旦天崩地坼社為
墟雍、文物淪為異類淵不能吞炭漆身報明恩于
萬一顧渙忍懼而異類乞活心所安乎不安乎事

之宜乎不宜乎嗚呼學道有年粗識義理吾何求焉
吾得正而斃焉斯已矣嗚弟曰昔年上書言事極詆
貪生怖死諸臣今日顧身為之辱莫大焉吾弟曰食
其祿者死其事非兄之責也嗟乎諸生非上書之人
名之所在攘臂而先之草莽有無逃之誼害之所在
縮首而避之此狗彘之所羞為予不再計矣 或勸
予恥為之民祝髮遠遁游方之外可也嗚呼吾聞用
夏變夷未聞變于夷者也釋氏髡首胡跪此戎狄之
教也 癸酉之擢非予志也沒後不得稱孝廉埋石
不得某科中式書旌明草莽小臣祝淵柩勿違吾言

以貽地下之恨

乙酉三月焚巾衫敬賦

咫尺天威凜風霜至教親如何國士遇還共大仇隣
纓縷多承寵儒冠豈誤身無聊空一擲此意與誰論
人間三月恨千古伏誰伸鞶帶新恩重榛苓舊思頻
偷生慚士義不殺頌皇仁脫幘追元亮長歌隴畝民
進禮退義至訓具陳一朝夢覺吾還吾真青袍色絢
投畀烈焰違義而榮守義而賤乃至寶榮非所羨
維義不干吾心則安葛巾白練隴首盤桓庶幾乎俯
仰之無愧而造次之必端也與

乙酉六月晦日詩

夜既央兮燈火微
魂搖々兮魄將離々
去兄弟兮父母依
樂道遥兮長不歸

死忠死孝尋常事
吃飯穿衣人共由
莫向編年問知否
心安理得更何求

俞元良 崇禎癸未進士授沁州守會國變未赴

已改授新寧州乙酉夏江南不守會諸郡起義越人
熊汝霖引眾至邑但元良治餉方料理儲峙七月丁
巳北兵臨城遂同其兄諸生元良遇害

蔡國瑛朱大綱許 並守禦所千戶乙酉閏六月起

馬應作烏

義守城 許任游徼慷慨奮躍然民兵馬合猝值敵
駭潰蔡挺刀力 死閤門遇害未投安國井中許被
執罵不絕口死于翁家埠

周宗彞崇禎丙子舉北雍慕義敢任甲申聞變即募貲
治硤石鎮關隘以杜奸孽明年同眾覲召子弟有枕
戈之志八月望北兵奄至而潰舉家溺園中池弟諸
生啟祥手擊數人中流矢死周氏之家覆焉事雖不
成奮身犯難或可原其心矣

文苑

晉

于寶字令升先世新蔡人大父充吳奮武將軍都亭侯
父瑩丹陽丞徙家藍官寶少勤學博覽書記初拜著
作郎平杜茂功賜爵關內侯江左草創中書監王導
薦領國史以貧求補山陰令遷始安太守王導署司
徒右長史歷散騎常侍著晉紀自宣帝至愍帝五十
三年凡二十卷書事婉直咸稱良史性好陰陽術數
撰搜神記二十卷劉惔曰卿可謂鬼之董狐其註周
易周官左氏義外傳雜文集俱行世

唐

顧况字通翁至德二年進士志尚疎逸善柳渾李泌德

宗時渾拜相辟秘書郎泌拜相遷著作郎生詩累貶
饒州司戶况工文兼長小筆嘗知新亭監曰貌寫
海中山耳仍辟畫者王默為副任半年解綬去後居
茅山號華陽真逸年九十卒皇甫湜序其集二十卷
嘗曰自吾為顧况集序未嘗許人也其為名流歎重
如此子非熊有父風

元

朱圭字肅齋元慶元路學錄學行著聞一時名公碩輔
多所推重尚書宣城貢師泰避地海亭關東野草堂
延致教子鏊卒為巨儒

明

朱鑄字質夫 國初授錢塘訓導薦升崖州寧遠知縣
有惠政海寧志特書為文人第一

題朱學錄送行詩卷

貢師秦

中朝諸老凋零盡一讀遺詩感慨多
萬里還家猶俎豆十年為客尚干戈
秋風海東雲帆舉春水西湖畫舫過
此去太平應有象杏花深處聽弦歌

送朱質夫寧遠知縣

貝瓊

萬里番禺自漢通乘槎有客氣如虹
地介銅柱風烟外山涌瓊臺雪浪中
帝子旌旗何處問黎人衣服與

時同興來好和蘇公語又度西南月半弓

重過東野草堂有感

上虞

謝 肅

桃源久不到草屋半蕭疎鷗佔沉舟浴蟲分破壁居
僕漫攜到酒隣送賣蔬未說干戈事黏窗且讀書

題小桃源卷

金華

宋景濂

聞說桃源路久迷世人長覓武陵溪不知自有神仙
境只在海昌湖水西

送朱賈夫之寧遠

括蒼

劉 基

仙槎八月泛天河兩鬢飄蕭爽氣多海角晴光收瘴
霧詞門夜色起夷歌枳叢百里淹仇覽銅柱千年美

伏波雲路同升殊
都門分袂奈愁何

題景初花鳥圖

會稽
楊維禎

東風掃紅雨春滿桃源洞
山禽啼一轂喚醒劉郎夢

題朱肅齋山水畫

括倉
劉基

鄂渚輕舟未發瀟湘倦客多愁
可恨一江春水無情

日夜東流

胡奎字虛白早著才名楊廉夫貢秦甫器重之嘗過望

湖亭和蘇子瞻詩有老人觀問壁所題歎曰六百年

來無此詩矣君非斗南先生耶言訖忽不見故人稱

斗南先生寧獻王聞其才聘為府教授七年病篤作

蔡頌命子進于獻王、序其集行世金陵童尚書軒

言奎泊舟采石江上值李太白與倡和或即前聞附

會之也 望湖亭 鷗外清波雁外山望湖亭下繫歸船

夜深坐起占風信人在珠宮月在天 楊妃教鸚鵡誦

心經 春寒郊酒睡初醒笑倚東窗小玉屏早悟眼前

空是色不教鸚鵡誦心經 綵珠匣接 花飛金谷彩雲

空玉笛吹殘步障風枉費明珠三百斛荆釵那及嫁

梁鴻 江邊柳 朝送木蘭船莫迎征馬鞭亦知離別苦

生長在江邊 北上行 食蜜不知苦衣葛不寒今晨出

門去方知行路難驚毳吹斷蓬沙磧何漫漶羸馬縮

如媚霜花大如錢夜步黃河凍舟行不得前君腸轆
轤轉我腸車輪盤王事有嚴程公之勿憚煩彎弧落
旄頭飛箭定天仙會賦鏡歌曲論功萬里還

賦石井送吳稅使還鄉

頭白烏啼井上桐、花落盡夜來風愁見還鄉吳季
子恨無縮地馬仙翁轆轤轂裡腸應斷天柱峰頭思
不窮試把丹泉分一掬慈顏猶得駐春紅

答謝友人

小東門外野人家昨夜青燈定結花一片碧雲空在
望半規明月可能賒杖扶紫玉過眉瘦巾裹烏紗墊

角斜明日更須來看竹山瓶汲水自煎茶
盤餐粗糲笑貧家類有東園蠶栗花野水白鷗情可
憫海天黃鵠志何賒直須放浪超形外一任留連到
日斜向自期看洛神賦十三行畔坐分茶

寄賈彥德

鳳凰岡頭多碧梧潁川之人安好無十年不寄一書
札兩地相思惟爾吾淮雲幕、莫天遠楚水茫茫、秋
雁孤想得臨池有佳處軟黃蠶紙寫官奴

次顧友常見寄前韻

丹井前頭顧况家子規啼處落松花憐予抱病烟霞

久與子論交歲月賒
海燕雨深茅屋小
江魚潮上石帆斜
有懷只許詩傳信
相見惟應酒當茶

出郭訪賈惟敬不遇

出郭閒行吟野老家
桑條生甚棘生花
別來似有三秋隔
到此曾無二里賒
白鳥隨人頻往返
黃茅蓋屋半歌斜
遙知去汲烏龍井
細歛菩提寺裡茶

送侄從戎雲南兼東居椽史

我祖自南渡世為藍
官人家傳安定譜
子孫多縉紳嗟汝
英妙年從戎萬里道
斷蓬離本根骨肉豈
相保憶汝別家日病
婦在膏肓小妹應門
戶兩女纔倚床

綿棉之誤

一年一得書見書如見汝蹉跎十五年閱盡寒與暑
昨者奉軍帖倉卒暫還家兩女上堂拜不識去時爺
朝紡木綿花夜織機中布裁為身上衣夢繞天南路
天南有名將云是漢嫖姚威敵振夷夏勲業著皇朝
汝今向前去勿戀故鄉住生入玉門關會適有奇遇
烏啼東海樹落月在城頭送汝北郭門霜花滿征裘
千金買寶刀豈若聊城箭魯連倜儻生何曾歎貧賤
洞庭秋水落三峽夜猿哀船過瞿塘口還經滟瀾堆
巖城不可緩別去關山遠縮地恨無方我腸輓轆轉
轅門有知己遠惠白象梳瓊瑤無以報為我謝區

題馬公肅墓池瑞蓮

種花莫種無憂草馬家池頭花更好去年一柄生兩
房兒在穎川歸故鄉兒歸見花不見母一寸心如蓮
苗苦也知天與好兒孫孫哉青頭聯牖戶公荷恰
似小兒拳迎門索棗當母前勸兒食蓮須食蓼辛苦
讀書知味少願花並蒂年一開一鶯夢裡敲笙歌前
殿夜教妾若為情墨竹舊游荆楚吊湘娥翠袖娟
映碧波夜靜忽聞瑤瑟怨滿逢秋影月明多仙源圖
仙家寂、洞房開鶴伴孤雲去不還只有桃花留不
住遠隨流水到人間早春曲青樓昨夜東風轉錦帳

疑寒春淺垂楊搖綠鶯亂啼裊、鶯花不堪剪博山
吹雲龍腦香銅壺滴愁更漏長王頰啼紅夢初醒羞
見青鸞鏡中影儂家少年愛游逸萬里輪紅無迹朱

顏未衰消息希腸斷天涯草空碧

寒上曲

戰馬聞笳

鼓橫行出塞門陣雲凝隴黑殺氣入邊昏決策平胡

虜捐身報國恩猶慚漢公主萬里嫁烏孫

送駱秦入

蜀省元

回首鵠原感別離遠攜書劍上巴西雲蜀魄

呼名語月冷猿聲向客啼諸葛祠堂春草沒杜陵茅

屋夕陽依相思亦有南來雁莫道音書懶醉題

湘南

懷古

江山搖落獨登臨草色湖南入望深萬古空留

姓字行

湘女恨九歌誰識屈原心
霜侵楚畹蘭香歇雲暗巴
陵雁影沉正是客懷浦不
得竹枝聲裡斷猿吟

愚閣門竹枝詞

此地吳山舊市朝空遺衰柳日蕭蕭

行人不用頻回首煬帝宮前更寂寥
暮、烟綠拂

畫橋紛、春日長條館姓娃宮女能相妬莫向東

風學舞腰拂水搖烟積翠深閨閣城外晝陰、花

飛便作浮萍草恰似看花兒又來

寄東岡賈徵君

浙

三月三日雨晴初東望東岡無鯉魚杜陵愛酒自多
債太傅治安還有書洛中牡丹少閑地江子燕子識

吾廬木蘭舟樵桃花水頗悟近來踪跡稀

朱祚字永年夙惠天授九歲能詩即補諸生有監司行部命解孟氏義講論詳敏時稱為神長善楷書永樂八年徵肄詹事府尋為鎮遠侯家塾教官乙未進士上元觀燈賦

上喜而賚之由是知名洪熙初用尚寶少卿袁忠徹薦擢行在中書舍人江宣宗見其詞賦處之近密特陞翰林修撰秩滿進尚寶司少卿命教中貴人書祚能詩文援筆立就負氣好直言不恤毀譽晚稍自懲因號默齋且喜談命言人禍福多中云正統十年正

月卒官有雪崖集行世

朱裡興誠祓之子嘗隨父謁 宣宗于南城齋宮因命

于文華殿內同諸中責講學舉懷才抱德授中書舍

人歷太僕寺丞

書

蘇平字秉衡幼穎特嘗詠繡鞋南陌踏青春有跡西廂

步月夜無聲人稱為蘇綉鞋長好遊適薦賢良正不

就嘗論詩貴心平氣和如高太史啟詩雖工多心不

平氣不知惟夜聞吳女誦經一律心平氣和今雪溪

集行世 姑蘇臺 吳王霸業雄且強吳王宮中白日長

尤物初來越溪女蘇臺高起天中央盛、春山裁白

苧粉黛三千樂歌舞夢入巫山雲滿衣睡起花枝日
當午慙也何人竊高位諫諍無人益驕恣扶目那知
國士忠捧心詎識妖狐媚半夜聽歌酒半醒越兵尋
已下吳城西施復逐范蠡去秦伯宗社俄摧傾香徑
蕭條入平野昔日綺羅成土苴烏啼夜月廢城頭鹿
走春風舊臺下蒼煙迷故丘臺前江水至今流多情
惟有閭門柳落日空含萬古愁

白苧詞

館娃宮中露

花冷月落啼鳥散金井吳王扶頭酒未醒秉燭張筵
樂清景美人不眠憐夜永起舞亭、亂花影新裁白
苧勝紅綃玉珮珠纓金步搖回鸞轉風意自嬌銀箏

錦瑟敲相調君恩如水流不斷但願青
同此宵東風吹花吹庭樹春色推人去
大家為懽

頃刻銅龍報天曙

秋日書懷

十年京國敝貂裘萬事

無成已倦游客裡青衫司馬泪天涯明月杜陵愁秦

淮烟暝砧敲夕楚澤雲深雁影秋南望故園歸未得

懶將詞藻賦登樓

班婕妤

一自辭同輩深宮草又生

甘隨紈扇棄猶記玉階行明月愁中影流儂家蕩子

心旅次清明

萬家烟樹散啼鴉上國清明好物華滄

海幾回驚節序東風隨處見鶯花迴鳳閣雲邊出柳

帶龍旗雨外斜欹醉芳樽消客况鶻敲落日在天涯

秋晚述懷寄蘇秉衡

崑山沈愚

西風臨望極南天楚客思歸倍黯然雲樹遠連秋浦
路塞鴻初度秣凌烟半江明月聞寒笛荒渚孤燈泊
夜船遙憶長卿詞賦好異鄉應得故人憐

郊居秋晚有懷蘇雪溪

半生踪跡歎蹉跎對景其如感慨多浮世交游黃葉
散故鄉煙水白雲多樹啣斜影低臨日風送歸鴻早
渡河念爾貂裘猶在客後時應付式微歌

蘇正字秉直淹貫經史同時湯胤勳劉溥邵亮晏鐸王
淮沈愚沈魯甘瑾蘇氏兄弟稱吳下十才子張中楷

有浙詩門徑未荒蕪獨賴芟除有二蘇所著雲臺集
行世門人張太守寧表其墓曰嗚呼先生學可傳而
才不見用德可久而壽不甚遠蓋其所歆者人也所
不能者命也能其所能而已焉者世也文章寔關世
運人豈能違之

別詩

清

南浦草游子傷遠離握手

岐路側對酒難為辭與君結同心十年猶一時况當
千里別去、各天涯馳此苑結心日月長相思天地
終無窮人事多乖違努力樹嚴名千載當自期

擬陳

伯玉春夜別友人

綺席管絃清春宵絳燭明山川縈

去騎尊俎對離情月迥藏銀漢天回轉玉衡鷄鳴催

曉發迢遞洛陽城

南州有贈

天路無期到春湘帶恨

流亂山愁對落日獨登舟書劍憐同客江湖耐薄游

離心寄明月相逐遠悠悠

秋日登臨

海外寒雲暝不

開望秋開上夕陽臺江流東去疑天盡山氣中浮覺

雨來綠水平蕪孤鳥下白雲空去斷猿哀臨高漫有

滄州想愁向西風見雁回

寄蘇先生正

祝淇

西風倚棹問歸程詩酒應多慰別情黃葉疎鐘溪上

寺白雲孤角海邊城鷗飛烟渚連秋色雁下寒塘起

暮靄回首天涯嗟落莫夕陽歸路萬山晴

張洙文東童時日記數千言屬文煥麗時謂王子安復
生也辛郊舉于鄉時尚未冠殺動縉紳世父負官錢
數百千洙議賣產償之或曰若交當路可免也洙曰
產易得耳節概不可失洙即飢死不顧也故家益貧
所善友童憲副漢臣方太守九叙饋餼不受卒年三

十三詩文俊爽有奇氣所著窮居集童憲副梓行之

陳雖字惟肅海亭人見南皮李騰鵬選皇明詩統

晉嶺

懷古

山上樓臺湖上船平章醉後懶朝天羽書莫報

樊城急新得蛾眉正少年

賈塗字本清海昌人

洛陽道

甲第多豪俠游行洛水濱

闕鷄都市晚走馬禁城春疎柳迎征旆繁花媚舞人
歌鐘喧落日開宴五侯賓

沈友儒字

嘉靖戊戌進士授刑部主事遷員外郎

預治西宮之獄外補東昌通判轉揚州同知罷歸
博極群書日不釋卷第嗜飲誕放宦坐不達專事游
覽名蹟僻詞縱步殆徧碑記題咏今郡邑所至而有
可以覘其人矣文品瑩暢惜後人不振至集散佚可
歎

郭子直舜舉隆慶辛未進士筮仕儀部以續婚悞舉職
被震大內謫懷二尉再起兵部督學嶺南進山西參

議福建副使歸而結社稱詩有風人之致徧交當世
作者聞望蔚起所著二經草三游草中秋林草行世
朱象衡朗初太守有孚子儔居樵李以諸生稱詩刻意
風雅漢魏三唐嘔醴入奧駸、作者之室所著春雨

編

宦蹟

吳全悰字子璜父柔舉漢孝廉補尚書郎右丞董亂棄
官歸錢塘徙桂陽太守雲使琮齎米數千斛到吳市
易琮中途給人空船而返頓首曰所市非急而士大
夫有倒懸之患故便賑贖不及啟報柔更奇之時

中州士人避亂而南依琮者以百數琮傾家給濟與
共有無遂顯名遠近孫權以為奮威校尉授兵數千
使討山越因募精兵萬餘人出屯牛渚稍遷偏將軍
二十四年關羽圍樊城襄陽琮上疏陳羽可討孫權
時已與呂蒙陰議襲之恐事洩故寢其表及擒羽權
置酒公安顧謂琮曰君前陳此孤雖不相答今日之
捷抑亦君之功也于是封華亭侯黃武初魏水軍大
出洞口權使呂範督諸將禦之敵以輕舟數鈔擊琮
嘗帶甲伏兵伺敵數千人出江中琮擊破之梟其將
尹廬遷琮綏南將軍進封錢塘侯假節領九江太守

吳會山民寇掠屬縣權分三群險地為東安郡琮領
太守時治富春明賞罰招欵附數年中得萬餘人遷
徐州牧尚公主嘉禾初督騎五萬征六開其民散走
諸將欲捕之琮曰分兵捕民得失相半縱有所獲猶
不足以弱敵如或邂逅虧損非小琮不敢邀功以員
國也赤烏中遷右大將軍九年擢大司馬卒琮身既
親重子弟寵貴然謙康接士貌無驕色子懌嗣封臨
湘侯

浙

按全柔錢塘人琮嘗居赤兔嶺合公主葬長安鎮則
自錢塘徙益官無疑

宋

郭知運字次張嗜學砥行弱冠登紹興二十一年進士

甲科秦丞相檜強姁不就仕至荆門守乞休自號息

庵老人所著猥稿四十卷

陸游避暑後抄秦檜之有
十客郭知運以離婚為逐

客

明

許懋字國器才識豪邁生當元季發粟賑飢嘗充萬戶

長漕海入大都授杭州路治中不就流寇逼境倡義

兵拒却之事聞于朝復授前任終不就

明興應辟丙午拜承事郎海州同知在官六載以績

著洪武四年辛亥入覲卒于旅舍祀海州名宦
李貞字大亨邑諸生建文元年赴京上用兵方畧

上壯之命宴光祿司授湖廣道監察御史壬午革命
歸隱臨平山中 成祖即位謫佃玉田 宣宗立雅

知其名召拜揚州守持勅旌其忠直在任三載致

民隱章累百上惠澤甚著政績入覲乞休謝還

表
諭上

曰知府俱無勅其留之以示子孫貞歸老家徒壁立

守正以終祀鄉賢

浙

談遷曰薛文清瑄年十二能詩賦從父貞為元氏教
諭永嘉徐懷玉高密魏希文濟南王泰亨海寧李大

亨苑汝舟皆元舊儒誦成玉田貞禮為瑄師于是豁
然大悟悉去其詩賦而從講伊洛之學文清一代大
儒亦吾亨有以啟之第不知范汝舟者果何人也賢
者蔽名不傳誠可深惜持附記大亨傳末并見大亨
之正學非獨宦蹟已也

孫子良字

少游表伯善胡虛白之門永樂甲申進

士選庶常預修永樂大典八年遷兵部武選郎中

成祖北幸尚書方賓從子良嘗攝部事領制群吏絕
請托因致媒孽謫交趾

吏目夷岷不學子良

濡以德教洪熙初拜交趾叅議會黎利叛止于蒼梧

北遂改河南晉山東右叅政治河乞休少喜治詩出

入唐宋間所著環城某行世交趾古環城有環池古

安陽王洗珠處胡人挽弓圖交胡戰罷靜胡塵更有

何人放馬群獨挽雕弓莫回首雁門還有李將軍擬

唐宮人入道乞得君恩許出家宮衣易盡入烟霞受

恩飛燕無勞妬賣賦文園更莫誇便擬瑤池迎絳節

更從勾漏問丹砂春風幾處星壇上看徧碧桃千樹

花鞦韆詞洛陽人家重寒食庭院鞦韆高百尺綠繩

嬲二分兩邊畫板粧成五彩色閨中女兒最少年三

三兩三笑且喧蟠巾結帶重整束決意爭勝垂楊前

羅裙飄飄、方款動身輕那用旁人送下疑舟壑飛瓊
仙復訝青天來彩鳳須臾暫定忽下來雙鬟掩亂烏
雲開回身復自繫羅襪流汗但覺香滿懷起來殷勤
語同伴蹴踏應須論數徧翩、若與飛鳥齊賭却鳴
璫不吝換

沈升字志行永樂甲申進士選庶吉士預修制書如五
經四書性理大全佐筆刪定常叅贊薊鎮軍務劾奏
太監劉通不法事賜金幣尋陞太僕少卿好獎拔士
類凡文武才可用者亟以聞然皆不負所舉故服其
鑒卒官遣禮部主事林璧諭祭蔡白鶴亭後

孫璋字景章叅政子良子、良謫交趾生璋北江傳舍
十歲隨登泰山王方伯命詩立就門前駐紫駟我欲
趨春游岱岳峰頭去披雲眺九州景泰壬申薦賢良
方正授泰和丞奉職循理不徇豪右民苦徭役璋頃
刻裁定請托不及行人稱為霹靂手目其榜曰鐵榜
言至當不易也遷電白令邑人牛禱輒獻首郤之從
韓雍征藤峽有功超守潯州興學賑飢威惠大行屬
縣多嘉禾不以聞進山東右叅政致歸年九袞子武
卿弱冠登進士

姚哲字文明正統乙丑進士授雲南道監察御史風采

疑峻按楚劾治藩臣不法人避其闕終

按察副

使

徐寬字栗夫號容齋晚號醉陶居士先黃岩人少從鄞
縣楊太宰守陞游學大道博覽群籍成化庚子舉鄉
明年辛丑進士授營繕主事理臨清磚廠三載改祠
祭主事弘治戊申歸省尋夏居築園游息觴詠或勸
之出不應年四十五馳疏致仕性孝友封公歿畫推
其蓄事二弟歲周親故之貧者塾師費歿助嫁其女
又某氏負逋款償進女為妾竟免其逋禮遣之弘治
甲子五月卒年六十一子葵城西所著醉陶詩集

行世子海登進士

祝萃字惟貞成化甲辰進士釋褐刑曹從工部從徐侍
郎貫治渠江南遷虞衡員外郎嘗上章請親理儒臣
再不報即歸省正德初起陝西督學副使歷廣東右
叅政醇謹端素里居教授晨興課督至夕色莊而和
時人競游其門捐館日學者私謚文惠先生所著禮
經私錄宋元史詳節子繼臯進士官兵部主事

寄祝員外惟貞

孫元一

陳善曰君子不死于盜賊原博之死不幾于草、乎夫
事固有不可測者原博身夷三郡之變威德在閩深

矣單身諭賊蓋其所嘗試者也當是時危機方急諸
大夫易服鼠竄原博凝然中立此必有自信者臨難
不避罵賊而死嗚呼可謂壯節矣

許亢奎文華弘治壬戌進士初甚貧攻苦力學大母望
之峻曰不登第不娶果如其言年三十始娶授工部

主事權楚稅織毫不私調刑部卒官今祀鄉賢

陳珉以歲薦歷河南布政司理問守文無害澡身

飭後不歸來光範門書策不須論白日自幽事

清泉在小園鳩鳴開竹閣月曉過梅村隣父時會

壺觴笑語溫

查約字原博弘治壬戌進士筮仕南刑曹歷福建僉事
屬旱疫悉力撫循閩卒多驕延年召武暨福州軍相
繼違背單車諭之無敢譁遷山西按察副使艱去補
江右公廉如故操雪一疑獄進福建叅政至左布政
使令諸司錄各納穀備賑俄侯官囚逸賊相戒毋犯
查使君倉卒遇害時嘉元年 月而巡撫山東右
僉都御史之命下閩人痛哭立祠九年諭葬所著明
齋集 同流俗祀鄉賢

毛鵬

孤窮力學制行端慎貢太學歷袁州通判不

失其守祀鄉賢

許相卿字台仲正德丁丑進士授兵科給事中嘉靖初
上書言事大闕張銳張忠既論而贖張欽舍人李賢
襲錦衣衛指揮林司寇後被整相卿爭之力尋自免
邑具駟從如常辟曰吾乘軒擁蓋揚：出里中使父
老立匿旁舍謂桑梓何吾業里居徒患苦父老為也
隱紫雲山中不跡城市王陽明湛甘泉諸先生雅慕
重往還劇切夏文愍道之詩九杞山人不出山不將
一字落人間己亥召補禮科不拜所著革朝志雲村
貽謀四則行世子聞道遣貴州道御史

訪許台仲九杞山中

孫一元

幽谷經年到樽罍十日留柴門河月動木榻海雲流
共愛名山隱難忘帝國憂何時解朱紱取醉話滄州
讀許村先生小傳有述 于慎行

紫雲峰下石為閭尚想幽人舊隱居避俗青春違禁
闥移家白首寄樵漁名標吳國先賢傳子校西京太
史書此日緝囊餘諫草臺郎封事滿公車

祝鮀英字思堯文惠先生從子正德己卯舉北雍授繁
昌令僅攜二蒼頭往家致薪脯飲江水視事公需毫
不煩民秩滿佞石城以老素喜酒日舉無算終不見

醜醒時

結尾作詰

陸州字汝行嘉靖甲辰進士為人貌侵弱不能勝衣至
遇事剛斷敢為即賁育不可奪嘗以南昌校官典湖
廣鄉試故事試官校官處簾內乃品題之權御史多
屬之簾外州既默、不自得比定解額諸校官與御
史俱坐致公堂州偶抽中式人二卷閱之頗純繆州
起袖二卷懷之以結御史御史不能對即為轉易二
卷同校者慄、咸服其持正遷刑部郎出守常德會
鼎建三殿湖北木運孔棘部木使某者頗乘勢為奸
利民間騷然州至為調停差撥以陰折其非一時屬
路賴以安堵先是榮藩嘗請郭西濱江地租而并

愈益下奪索字

稅艫筏之泊準者久之中官愈益橫或闌入經行艫
筏商人苦之州廉知非例下令禁治之中官愾：悼
州自是相戒斂跡郡受沆靖五溪諸水故築土堤捍
之春夏水暴土蝕則兩涯之間不辨牛馬州請易土
以石募民賞蠲帑金為長隄百五十步高四仞廣半
之滂至始不為灾縣嘗以賦則清混徵斂無藝良民
或倍輸之稅乃強黠者終身負責漫不裁省州戒民
毋入城納稅第置循環二簿鈴發里甲歲令沿戶按
額取之而納戶得以所納期限稅目自註于籍月終
更互攷成之完負悉有稽覈公賦大辦常俗不習為

商歲亡論豐歉穀一入急圖買商金以償官逋不且
賤售富家因而爭時趨利故左右數從史縣官願留
官防饑使毋令販而出境也州歎曰此豈為居積豪
地乎民無金無賦無商無金無奈何坐自窘束乎遂
下令曰敢有以過糴為言者置諸法自是商民得通
易有無驩然稱便州治郡三年不為烜赫可異之政
惟務約己愛民他如均傳費獎士類厘賑恤每事必
為之區畫期于奉法循理而已後以政績行尋擢九
江兵備副使民生祀州于城北又三年丁內艱卒于
家訃聞郡中父老率子弟朝夕慟哭祠下如喪考妣

云 徐學謨楚志

查秉彜字性甫嘉靖戊戌進士授黃州推官擢禮科給事中議莊敬太子冠讀禮及楚世子獄嘗歎宗祿日匱上六事曰處宗祿重恩典肅宗教止交結飭藩度擇府僚轉戶科給事中尋調左會大計奏斥吏禁贖鍰、征科尋忤旨謫雲南定邊縣典史轉建寧推官又遷刑部主事改吏部累遷文選郎中佐尚書李默見重進太常少卿提督四夷館轉大理右少卿太僕寺卿拜順天府尹甫五日卒年五十八時辛丑閏六月既望諭祭一壇命有司治葬子志文廬州府通判

志宏都察院事志立河南叅政志立子允元江西叅
政所著近川稿掖垣奏議藏于家

徐炳仲孚嘉靖癸丑進士授刑南部主事歷遷河南備

兵僉事艱去補山東進湖廣叅議遷河南備兵副使

治大名減供餉汰冗費會清戎使者峻甚炳為言不

便狀亡益尺籍祇厲民耳遂不擾遷山西叅政卒官

炳篤孝少繼伯母仍加意所生庚戌奏南宮以仕籍

不書本生罷廷對友愛諸弟潔廉好修在大名值粟

貴食黍豆室人頗嘖歎曰民多菜色何獨飽為魏人

至泣下

副使下奪廣東二字

馮覲字晉叔從家錢塘嘉靖甲辰進士授職方主事會
虜入分守西直門例賜金幣歷武選郎中夏去補故
秩遷湖廣副使叅政嘗行部樂昌徭賊要入巢求犒
正色諭之止三日輿還于韶既知賊情以千人襲之
俘大酋馮應科等百人進按察使卒官覲嗜書嘗期
湖上隙地吟嘯吾願足矣所著存稿八卷

許淪字達夫韶秀而文楊按察繼宗遠其父淪掖之入
楊題試之立就贊歎不置貢倅永州多善政已掛官
自適

查志文字鳴周隆慶丁卯舉于鄉倅廬州屬築河而寒

便宜遣諸役約解冰凍集之果如期辦遷廬州同知
駐無為州管蘆稅兼署州印時巡蘆江上遇颶風暴
作舟覆飄流數里兀坐舟內一吏捧二印與俱見雲
長公護之忘其在絞綃帳中也偶賈者過聞覆舟內
有穀鑿而出之獲全識者以為循吏之報云恤災緩
斂不幸中讒罷

新江圖書館

吳遵字公路嘉靖丁未進士令長樂廉勤通敏興利除
害育才宣化赴召之日耄稚泣送于途後拜御史遷
大僕少卿詳見長樂志

孫景時成叔杭之右衛人性耿介于世寡諧師陽明甘

宜興下奪柳字

泉二先生丙子舉于鄉教諭長州遷攸縣令却餽饋
逮豪右人多稱之已解官好蒐輯故聞作武林文獻
錄杭州府志未竟而卒

董學希顏嘉靖丙辰進士授行人擢監察御史巡按宣
大真定鋤強扶善革里申定均徭實心為民立志期
于君子惜死于疾不竟其所施

董鯤字化卿嘉靖癸丑進士令宜興囂訟部和贖樞部
索犒兵供具不應雖坐忤不惜丙辰徵拜山西道御
史歷按畿內應天陝西並持法凜、在應天捕孝廉
彭應龍斃之人心稱快予告歸丙寅起河南道御史

署攷忤銓曹外補湖廣按察副使丁卯春免官蓋銓
曹意也居鄉簡亢好周人之急邑里以為儀表

許文造長儒萬歷丙子舉南雍常席帽見邑令戲曰

帽值幾何曰亡價令悚然任河間推官有能殺服喪

起補東昌奏最拜監察御史數上書指摘政府尤切

巡按甘肅勸止採礦并劾張侍郎養蒙謫判岢嵐州

晉撫魏允貞嘗見劾及入謁頗被誚厲劾曰吾擊邪

不勝固所甘也尋歸里所著盈岳集

陳興相卜野萬歷丁丑進士令新昌有治行調吉水益

能其職遷刑部主事歷郎中出守南昌未任憂去服

關補成都擢四川副使時採大木不辭艱苦庚子征
番酋督餉坐罷久之補廣西左江道亡何遷貴州左
叅政致仕性坦朴不設城府子玄揮翰林編修歷湖
廣叅政祖苞巡撫薊州右副都御史祖苞子之遠左
中允

查允元仁卿曆萬丙戌進士授禮部主事歷員外郎爭
關白封貢及三王並封上書言非是進江西提學僉
事擢叅議進廣西副使憂去不起樂湖山之勝寄居
武林卒年五十二

祝以豸耳劉萬歷丙戌進士

朱興翹字楚伯世居袁花里辛卯舉于鄉壬辰進士授
江陰令以清惠治之蔬米廉值不擾市一錢調長葛
令治如江陰又導民以桑麻之利庚子遷南州部主
事累遷郎中進建昌守廉平不苛臺使命傳建昌守

事以進有曰寬于容眾而不寬于御眾嚴于持法而不嚴于行法蓋寔錄也戊申擢廣西副使未赴還里卒年六十四

徐紹曾表耿萬歷乙未進士授黃岡令流毅愷悌遷南京工部主事歷兵部郎中進山西清軍叅議剿狃夷終于任雖歷教政家清約如寒士

許典令稱則萬歷丁未進士令上饒無錫以疎放改教授淮安屢起屢躓終淮安守性率易坦亮官二千石不改儒所著金牛隨筆



浙江圖書館



浙江圖書館



浙江圖書館



浙江圖書館





浙江圖書館



浙江圖書館



浙江圖書館





浙江圖書館



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black